



UNIVERSITÄTS-
BIBLIOTHEK
PADERBORN

**Praxis Iurispatronatus Acquirendi, conseruandiq[ue] illud;
ac amittendi modos breuiter continens**

Viviani, Giuliano

Romae, 1620

Avctor Lectori.

[urn:nbn:de:hbz:466:1-61772](https://nbn-resolving.org/urn:nbn:de:hbz:466:1-61772)

AVCTOR LECTORI.



SCRIPITVM reliquit Diuus Bernardus
in suo libro de Ordine vitæ, Sequatur
conuersationis electio, vt adiungatur pro-
batissimis quibusque senioribus; nam
vt æqualium vsus dulcior, ita senum tu-
tior est, qui magisterio quodam, & ductu vitæ co-
lorant mores adolescentium, & veluti murice pro-
bitatis inficiunt: nempe si hi, qui sunt ignari locorum
cum solertibus viarum iter adoriri gestiunt, quanto
magis adolescentes cum senibus debent nouum iter
sibi aggredi, quominus errare possint, & à vero trami-
te virtutis deflectere? nihil enim pulchrius, quam
eos, & magistros vitæ habere, & testes. Patet siqui-
dem nullam artem addisci absque magistro: si enim
animalia, feræ, aues, & apes duces habent, suosque se-
quuntur Principes, quanto magis homines sine dato-
re, & rectore esse non possunt? Inde cauendum est,
ne adolescentes sine duce ingrediantur viam, quam
nunquam ingressi sunt, & in partem alteram decli-
nantes errores patiantur. Huius sanctissimi viri dicta
secutus, Magistros, & Duces viros clarissimos de iu-
repatronatus tractantes elegi, & ante oculos proposui,
illorumque dicta, & tractatus præ manibus habere
studui; ex quibus apum exemplo carpsi quicquid

* 4 boni

boni in hoc opere reperitur: ingenui siquidem hominis est fateri per quos ipse profeceris. quod mihi utilitatem, alijs attulit adiumentum. Ea de re iurispatronatus materiam ad Praxim redigere curavi, & viam hanc sum ingressus, iterque tandem impleui his du-
cibus, his magistris, vt errores effugerem, & securus viam perficerem; satis esse ducens aliorum dicta potius recensere, quam noua in medium, vel non vtilia proponere, vel non bene dicta. Vtilitas etiam huius materiae iurispatronatus me incitauit: cum enim frequentes in Iudicijs de iurepatronatus sint controuersiae, opportunum iudicavi ad Praxim omnia reducere, vt facile quisque praemanibus habere posset digestam hanc materiam tanquam lumen proueniens a maiori lumine; fateor enim vniuersam hanc praxim veluti paruum lumen mutuatum esse lucendi, & illuminandi facultatem a maiori lumine Clarissimorum virorum, qui de iurepatronatus tractatus ediderunt. Quamuis enim frustratorium sit Solem facibus adiuuare, fructuosum tamen est Solis luce radiari, & illustrari. Id autem satis mihi erit, si lector laborem meum hunc non contempserit, sed benigno animo recipiens, quod boni fuerit ab Omnipotenti Deo venisse teneat, & quod mali a me & iuuentuti parcere non dedignetur.

mod

+

*

INDEX